

**II. ATALA****BIZKAIKO LURRALDE HISTORIKOKO TOKI ADMINISTRAZIOA****Gernika-Lumoko Udala**

Gernika-Lumoko irakaskuntza zentroek 2024-2025 ikasturtean gauzatutako eskola orduetatik kanpoko jardueretarako eta euskararen normalkuntza planetarako dirulaguntza deialdiaren araudia. BDNS (Identif.): 823430.

Diru-laguntza orokorrean buruzko azaroaren 17ko 38/2003 Legearen 17.3.b) eta 20.8.a) artikuluetan ezarritakoaren arabera, deialdiaren laburpena argitaratzen da. Horren testu osoa datu base nazionalen aurki daiteke. Diru-laguntzak:

(<https://www.infosubvenciones.es/bdnstrans/GE/es/convocatoria/823430>).

ATALA**OINARRIZKO ARAUAK****1. artikulua**

Deialdi hau honako arau hauetan oinarritzen da: Dirulaguntzei buruzko 38/2003 Lege Orokorrean, lege hori garatzeko erregelamenduan eta 2012ko abenduaren 19ko Bizkaiko Aldizkari Ofizialean argitaratutako Dirulaguntzen Udal Ordenantza Orokorrean xedatutakoaren arabera, bai eta aplikagarriak diren gainerako arauen arabera ere.

Deialdi-araudi honetan finkatzen ez denerako, aipatu Ordenantzara joko da (onuradunen betebeharrak, emateko prozeduraren berezitasun administratiboak, dirulaguntzak itzultzea, arau-hausteak eta zigorrak).

2. artikulua

Dirulaguntza deialdi honen helburua da Gernika-Lumo udalerriko irakaskuntza zentroetan euskararen normalizazioa eta sustapena laguntzea, Normalkuntza Planak eta eskolaz-kanpoko egitasmoak bitarteko.

3. artikulua

Dirulaguntzen legediari jarraiki, honako deialdi hau BDNS-ean (Dirulaguntzen datu-base nazionalen) argitaratuko da, eta horren laburpen bat Bizkaiko Aldizkari Ofizialean iragarriko da. Era berean, Udaletxeko iragarki taulan argitaratuko da eta udalerriko irakaskuntza zentroein helaraziko zaie.

4. artikulua

Dirulaguntza deialdi honetako onuradunak Gernika-Lumoko udalerriko irakaskuntza zentroak izango dira eta nor-gehiagoka-araubideari eutsiz izapidetuko dira. Deialdirako erabiliko den kopuru osoa 45.300 eurokoa da, aurrekontuko 5-3200-43000 partida ekonomikoren kargura.

5. artikulua

Eskabide orria eta gainerako agiriak 30 egun naturaletako epean aurkeztu behar dira, deialdiaren laburpena Bizkaiko Aldizkari Ofizialean argitaratu eta biharamunetik zenbatuta.

6. artikulua

Dirulaguntza emateko instrukzioa Euskara Zerbitzuaren ardura izango da; honek bi-dezko txostena egin ondoren, Hezkuntza zinegotziaren proposamena igorriko zaio Tokiko Gobernu Batzarrari, ebazpena har dezan.

**7. artikulua**

Ebazpena hartu eta handik eta zazpi egun barru, Tokiko Gobernu Batzarraren akta iragarriko da udaletxeko iragarki taulan.

8. artikulua

Ebazpena hartu eta 10 eguneko epean, gehien jota, eskatzaileari jakinarazpen pertsonala bidaliko zaio legez finkaturiko moduan, berak eskaera orrian aipatutako helbidera. Jakinarazpen horretan, ebazpenaren aurkako errekurtsoen berri emango zaio.

9. artikulua

Eskatzaileak eskabidearekin batera egiaztatu egin beharko du Dirulaguntzen 38/2003 Lege Orokorrak eta honen araudiak zehazten dituzten baldintzak betetzen dituela. Horretarako, hurrengoak aurkeztu beharko ditu:

- Dirulaguntzak lortzea galarazten duten egoeretan ez egotearen zinpeko aitortpena; hain zuzen ere, 38/2003 Legeko 13.artikuluko egoeretan ez egotearena (III. Eranskina, zinpeko aitortpena).
- Gizarte segurantzarekiko betebeharretan egunean egotearean ziurtagiria (agiri hori Udalak berak lortzeko baimena eman ahalko dio eskatzaileak).
- Zerga betebeharretan egunean egotearen ziurtagiria (agiri hori Udalak berak lortzeko baimena eman ahalko dio eskatzaileak).
- Xede berdina finantzatzeko jaso edota eskatutako beste dirulaguntzen aitortpena, erakundearen datuak eta kopurua zehaztuz.

Aurreko b) eta c) letretan aipatzen diren ziurtagiriak Gernika-Lumoko Udalak eskuratuko ditu datuen bitartekaritzarako dauden plataformen bitartez, eta, beraz, ez dira aurkeztu beharko, ziurtagiri horiek lortzea eragozten duten arazo teknikoak daudenean edo eskatzailea aurka dagoenean izan ezik (hori eskabide-inprimakian adierazi beharko da). Arazo teknikoak izanez gero, Udalak behar bezala eskatuko dio eskatzaileari aurkezteko. Aurka egonez gero, interesdunak eskabidearekin batera aurkeztu beharko ditu ziurtagiriak.

10. artikulua

Dirulaguntzaren ordainketa kopuru bakar batean egingo da, ebazpenaren jakinarazpena egin eta hilabeteko epean.

11. artikulua

Onuradunek justifikatu egin beharko dute jasotako dirulaguntzaren erabilera 2026ko urtarrilaren 31rako eta horretarako justifikazio agiria (IV. Eranskina) eta justifikazio kontua aurkeztu beharko dituzte. Justifikazio kontua 887/2006 Errege Dekretuko 72. artikuluan xedatu moduan aurkeztu beharko da, bertan agertzen diren memoriak, agiriak eta frogagiriak aurkeztuz.

Udalak emandako dirulaguntzez gain jarduerak norbere fondoekin edo beste dirulaguntza edo fondoren batzuekin finantzatzen badira, zenbatekoa, jatorria eta Udalak diruz lagundutako jardueren fondo horiek nola aplikatu zaizkien aitortu beharko da zuriaketan.

Gernika-Lumoko Udalak emandako dirulaguntza beste dirulaguntzekin bateragarri izango da, betiere gainfinantzaketarik ez badago.

Dirulaguntza zuriu beharra gauzatu ezean, 38/2003 Legeak arautzen duen itzultze prozedura jarriko litzateke martxan.



II. ATALA
ARAU BEREZIAK

12. artikulua

Gernika-Lumoko Udalak onartuta daukan Euskara Sustatzeko Ekintza Planean (ESEP) oinarrituta, hurrengo ataletako ekintza hauekin loturiko egitasmoetarako esleituko dira araudi honetako dirulaguntzak, ekintza bakoitzaren lehentasun maila kontuan:

Erabateko lehentasuna

- A) Familia transmisioan eragiteko egitasmoak:
- Guraso euskaldunak euskararen transmisioan inplikatzeko estrategiak landu.
 - Guraso erdaldunengan eragin, euskararen aldeko jarrerak lantzeko.
 - Etxeko lanak euskaraz egiten laguntzeko dinamikak landu gurasoekin.
 - Gurasoen arteko harreman guneetan euskararen aldeko hautua egiteko giroa landu.

Erabateko lehentasuna

- B) Irakurzaletasuna bultzatu eta ahozko erabilera aberasteko ekimenak:
- Idazleak ikastetxera programa (hitzaldiak).
 - «Gu ere bertsoan» programa.
 - Eskolako aldizkaria argitaratzea.
 - Liburutegia hornitzea.
 - Beste batzuk.....

Erabateko lehentasuna

- C) Ikastetxeetan euskararen normalkuntza planak garatzeko ekintza orokorrak:
- Atsedendietan (eskola barruan) aisiaren bitartez euskararen erabilpena areagotzeko egitasmoak.
 - Kirola euskaraz (kirol monitoreak alfabetatzeko/euskalduntzeko egitasmoak, kirol materiala euskaraz prestatu edota jasotzeko programak,...).
 - DBH/Batzilergoko gazteen artean euskararen erabilera areagotzeko programak (Euslitterak,...)
 - Teknologia berriak eta euskararen erabilpena uztartzeko egitasmoak.
 - Beste batzuk....euskararen erabilera areagotzeko ekintza zehatzak...

Erabateko lehentasuna

- D) Etorkinen seme-alabei eta euren senitartekoei zuzendutako programa bereziak.
- Ikasle etorkinei eskainitako errefortzurako ikastaroak.
 - Etorkinen familietara bideratutako baliabideak, euskararen ezagutza eta erabilera areagotzeko.

Lehentasuna altua

- E) Euskara zine aretoetara programan parte hartzea (Tinko Elkarte eta Irudi Biziak erakundearen bitartez, edo zentro bakoitzak bere baliabideekin molda dezakeena, Udal Eskola Kontseiluaren batzarrean ebatzia oinarri).

Lehentasuna altua

- F) Eskola barruko eta kanpoko komunikazioan euskararen erabilera areagotzearen hizkuntza irizpideak lantzeko ekintzak:
- Inprimaketan, bilera-aktetan, zirkularretan,... euskarazkoaren diskriminazio positiboa, hiztegitxoak eranstea.



- Gurasoen eta zentroaren arteko komunikazioan ahozko erabilera areagotzeko jarrerak lantzea (batzarretan, jaialdietako aurkezpenetan, irteeretan, ...).
- Informazioaren eta Komunikazioaren Teknologia erabiliz euskararen erabilera areagotzeko ekintzak (euskararen lehentasuna web gunean, sare sozialean, erabilera irizpideak eta protokoloak finkatuz).

13. artikulua. — Aurkeztu beharreko agiriak eta datuak

1. Eskaera agiria (I. eranskina), Zentroko ordezkariaren datu pertsonalekin.
2. Normalkuntza Plana onartu deneko aitorpena eta 2024-2025 ikasturteko Ekintza Plana.
3. Egitasmo bakoitzeko fitxa (II. eranskina), hurrengo datuak zehaztuz:
 - 12. artikuluko sei ataletatik zeinetan kokatzen den.
 - Burutuko den egitasmo bakoitzaren eraginpean izango direnak eta kopurua (irakasleak, ikasleak, gainerako langileak, gurasoak).
 - Erabiliko diren giza-baliabideak.
 - Egitasmoaren aurrekontua (gastuak eta diru-sarrerak).
 - Egitasmo edo ekintzaren kronograma.
4. Eskatzailearen zinpeko aitorpena (III. eranskina).
5. Eskaera eta berari lotutako agiriak modu telematikoan aurkeztu beharko dira Gernika-Lumoko Udaleko web guneko atal honetatik:

<http://www.gernika-lumo.eus/eu-ES/lzapideak/Orriak/default.aspx> , tramiteetan «Es-kolaz kanpoko ekintzetarako dirulaguntzak» espedientea hautatuz.

14. artikulua

Hala denean, eskabideak berregiteko aukera izango da, azaroaren 17ko 38/2003 Diru-laguntzen Lege Orokorraren 27. artikulua araberak. Eskabideak behar bezala beteta ez badaude, edo horiek ez badute araudi honetan eskatutako agiriaren bat, eskaera egingo zaio eskatzaileari hamar (10) lanegunetako epean hutsunea zuzentzeko edo beharrezko dokumentuak aurkezteko. Horrela egin ezean, bi ondorio izan daitezke:

Eskatzaileak deialdiari uko egiten diola ulertzea, falta direnak agiri orokorrak balira (1., 2. edo 3. eranskinak).

Eskatzaileak eskaera egitean planteatutako egitasmoen buruzko fitxak ondo beteta ez badaude (2. eranskina), akatsak dituzten fitxetako egitasmoak deialditik kanpo geratuko dira.

15. artikulua

Dirulaguntza deialdirako 2025eko udalaren aurrekontuko 5-3200-43000 partida ekonomikoan 45.300 daudela kontuan hartuta, hurrengo irizpide hauek finkatu dira esleipenerako:

- a) «Kopurua 1» (diru partida osoaren %35a, hau da, 15.850 euro) eskaera aurkeztu duten zentro bakoitzaren ikasle kopuruaren arabera banatzekoa.
- b) «Kopurua 2» (diru partida osoaren %65a, hau da, 29.450 euro), egitasmoen buruz Euskara Zerbitzuak egindako balorazio txostenaren arabera banatzekoa (18. artikuluari jarraiki).

Beraz, Dirulaguntzak esleitzeko erabiliko den sistema, arestiko puntuetan aipatutako guztia kontuan, bi kontzeptuen batuketan oinarrituko da («a» kopurua 1 + «b» kopurua 2): $15.850 + 29.450 = 45.300$.

16. artikulua

Hamabosgarren artikuluko «a» ataleko dirulaguntzaren banaketarako zentroetako ikasle kopuruak aintzat hartzen direnez, Eusko Jaurlaritzako Hezkuntza Sailak 2024-2025 ikasturterako emandako informazioa hartuko da kontuan.

**17. artikulua**

Hamabosgarren artikuluko «b» ataleko dirulaguntzak ebazteko txostena eta bidezko proposamena egiteko, kontuan hartuko dira jarraiko baremazio-irizpideak, ESEP-ek (Euskara Sustatzeko Ekintza Plana) markatutako jarduera mota eta lehentasunak kontuan hartuta:

- Erabateko lehentasuna duen ekintza eta zentroan inplikaturiko giza-talde guztiei zuzendua: %100.
- Erabateko lehentasuna duen ekintza eta zentroan inplikaturiko giza-talde berezi bati zuzendua: %80.
- Lehentasun altua duen ekintza eta zentroan inplikaturiko giza-talde guztiei zuzendua: %60.
- Lehentasun altua duen ekintza eta zentroan inplikaturiko giza-talde berezi bati zuzendua: %40.

Jarduera edo egitasmo bakoitzaren dirulaguntza zehazteko, bere aurrekontuari dagokion portzentajea/baremoa aplikatuko zaio.

18. artikulua

Diru aguntzak helburu duten jardueretan euskararen erabilpena dela-eta, Euskararen Erabilpenerako Udal Ordenantzaren 24. Artikuluak ezarriari jarraiki jokatu beharko da, kontuan deialdi honetako helburu zehatza zein den:

«1. Kultur, kirol eta aisi elkarteei subentzioak ematerakoan hizkuntzaren irizpidea ere kontutan hartuko da. Ondorioz, Gernika-Lumoko Udalarengandik diru laguntzaren bat jasotzen duten elkarte eta entitateek, pertsona fisikoak nahi entitate juridikoek, beren jardun subentzionatuetan argitaratzen dituzten idatzi, iragarki, ohar eta ezagutzera eman beharko duten propaganda ere, bai ahozkoa bai idatzizkoa, euskaraz edo euskaraz eta gaztelaniaz egin beharko dutelarik. Era berean, ospakizun konkretuetan bozgoragailu bidez ematen dituzten mezuak ere euskaraz edo euskaraz eta gaztelaniaz eman beharko dituzte.

Euskaraz eta gaztelaniaz egiten diren adierazpenetan, eta batez ere ahozkoetan, euskarazkoari eman beharko zaio lehentasuna, euskarazkoari adierazpenez jabetu litezkeenak elebidunak baitira.

Subentzioak eskuratzeko baldintzetako bat izango da hori guztia, subentzio hartzaileak derrigorrez bete beharko duen subentzioa jaso ahal izateko.

2. Udal instalazioak eta materialak erabili ahal izateko ere aurreko puntuan aipaturiko baldintzak bete beharko dira, horrez gain instalazio barnean jarritako publizitatea ere euskaraz azalduz. Udalak, beraz, zernahi udal instalazio eta materiala erabiltzeko baimena ematerakoan, hizkuntz baldintza horren berri emango die interesatuei, eta fidantza itzuli baino lehen egin ohi diren egiaztapenetariko bat izango da hizkuntzari buruzkoa ere.»

Gernika-Lumon, 2025eko martxoaren 28an. — Hezkuntza Zinegotzia, Nerea Revuelta Martínez